



## Publicaziuns officialas dils 16-11-2018

---

### Damondas da baghegiar

Nr. 104/2018

Datum da publicaziun: 16-11-2018  
Patrun: Gadola-Cajacob Corsin e Sara, 7172 Rabiun  
Liug e parcella: Sutvitg; 248  
Object: construcziun d'ina pergola

Nr. 110/2018

Datum da publicaziun: 16-11-2018  
Patrun: Candinas Damian, 8610 Uster  
Representant: spacial design, 7166 Trun  
Liug e parcella: Mises dil Gion; 4970  
Object: sanaziun dalla tegia da mises

Nr. 108/2018

Datum da publicaziun: 16-11-2018  
Patrun: Bass-Cathomas Rest-Anton, 7173 Surrein  
Liug e parcella: America; 1514  
Object: spazzar il clavau

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 16-11-2018

*Cumissiun da baghegiar*

## Votaziuns federalas dils 25-11-2018 mira pagina 3 da quest FUS

**L'urna ei aviarta** (en canzlia communal)

gievgia e venderdis mintgamai duront las uras da spurtegl  
dumengia, ils 25-11-2018, dallas 10.00 – 11.00 uras

**Sonda e dumengia, ils 24 e 25 da november 2018 mintgamai avon il survetsch divin en las fracziuns.**

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

**Adatg!**

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 16-11-2018

*Biro electoral*

## **Radunonza da vischnaunca**

La proxima radunonza da vischnaunca ha liug **venderdis, ils 14 da december 2018** allas 20.00 uras a Sumvitg.

### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunonza communal dils 19-06-2018
4. Tractaziun ed approbaziun dil preventiv communal 2019
5. Fixaziun dils peis da taglia 2019
6. Tractaziun ed approbaziun dil project habitar@giuven e concessiun dil credit brut da 670'000 francs
7. Tractaziun ed approbaziun dalla cumpra d'in auto-cistiarna per il corp da pumpiers Sumvitg-Trun e concessiun dil credit brut da 150'000 francs
8. Tractaziun ed approbaziun dil project sanaziun stans da sittar Plaun Petschen e Sulagval e concessiun dil credit brut da 267'000 francs
9. Tractaziun ed approbaziun consultativa dil project via da mistregn a Rabiun-Marias
10. Orientaziuns
11. Varia

Il preventiv 2019 sa vegnir retratgs sin canzlia duront las uras da spurtegl.

Sumvitg, 16-11-2018

*Suprastonza communal*

## **Damondas per megliurar praus**

Ils 1 da november 2018 ei la nova partiziun dalla meglieraziun ida en vigur. En quei connex han plirs possessurs da praus dumandau la cumissiun da baghegiar schebein ei basegna ina damonda da baghegiar per dismetter tiarms veders, ulivar risteinas eav.

Il president dalla cumissiun da baghegiar ha sclariu quella damonda cun signur Conrad Derungs dil biro d'inschignier Cavigelli . Tenor Conrad Derungs dat ei duas variantas che vegnan per ordinari praticadas tier meglieraziuns.

### **1. Varianta**

Mintga possessur da praus sto fa ina damonda da baghegiar per intents da baghegiar ordeifer la zona da baghegiar (BAB). Quella varianta procura per bia lavur e caschuna grondas taxas per ils possessurs da praus.

### **2. Varianta**

Ils possessurs da praus fan ina damonda cun las indicaziuns detagliadas pertuccont ils intents per megliurar praus alla vischnaunca. La vischnaunca rimna tut quellas damondas ed inoltescha ina damonda comunabla.

La suprastonza communal ha examinau las variantas e preferescha la secunda varianta.

Consequentamein supplichein nus tuts possessurs che giavischan ina megliur d'inoltrar ina damonda a scret entochen ils 14 da december 2018. La damonda sto cuntener ina descripziun exacta dallas lavurs previdas. Plinavon duei vegnir aschuntau alla damonda plans da situaziun e fotografias. Damondas cun indicaziuns munglusas e senza las aschuntas necessarias vegnan buca acceptadas.

Las suandontas lavurs vegnan acceptadas cun questa procedura: dismessa da tiarms veders, ulivaziun da risteinas, restructuraziun da mirs schetgs, renaturaziun da vias, trutgs e sendas che vegnan buca pli duvradas per l'agricultura.

Per damondas stattan igl gerau Marcus Duff ni il canzlist communal bugen a disposiziun.

Sumvitg, 16-11-2018

*Departament agricultura*

### **Pignola da Nadal**

L'administraziun forestala recomonda da retrer il pigniel da Nadal al singul vischin sco suonda: En ils vischinadis nua ch'ils pigneuls vegnan pinai entras l'uniun da giuventetgna supplichein da retrer leu il pigniel da Nadal.

Al vischin che vul pinar sez il pigniel (lubiu ei da pinar mo pégn) eis ei lubiu da pinar tal sin territori communal. Ei vegn denton recumandau da pinar sin terren da pastiras surcarschidas. Scumandau eisi da pinar en plontaziuns, uauls da schurmetg e curtins da schurmetg encunter selvaschinas. En uauls privats eisi scumandau da pinar pignola senza ina lubientscha dil possessur d'ual.

Nus recumandein era da pinar mo in pigniel e quel prender a casa e buca schar scher entuorn e forsa pinar dus auters.

Tgi che vul retrer il pigniel dalla vischnaunca ei supplicaus d'annunziar quei entochen ils mardis, ils 11-12-2018 tier la canzlia communal (tel. 081 920 25 00). Tenor basegns vegn ina part dalla pignola retratga ord ina scola da plontinas. La pignola vegn taxada sco suonda (prezis excl. tpv.):

#### **Grondezia**

< 199 cm  
200-299 cm  
300 cm  
325 cm  
350 cm  
400 cm

#### **prezi/toc**

frs. 25.-  
frs. 30-  
frs. 35.-  
frs. 45.-  
frs. 60-  
frs. 85.-

Per il schurmetg d'igl uaul recumandein a scadin da pinar il pigniel da Nadal cun precauziun e senn da responsablidad. Cunterfatgs vegnan puni tenor il regulativ forestal.

Sumvitg, 16-11-2018

*Uffeci forestal Sumvitg*

### **Donaziun fundaziun Greina**

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2018** digl onn precedent cul formular corrispondent tier l'administraziun communal. Nus supplichein per notizia da quest avis.

Sumvitg, 16-11-2018

*Cumissiun Greina Sumvitg*

## **Consorti da scola Sumvitg-Trun**

### **Dis da viseta**

Nus envidein cordialmein als dis da viseta ellas scolas da Rabiis e Trun. Quels han liug venderdis gl'entir di e sonda avonmiezdi, **ils 16 e 17 da november 2018**. Per evitar pli gronds disturbis supplichein nus las visetas da mintgamai entrar all'entschatta dalla lecziun e sortir alla fin dalla lecziun. Nus supplichein era da risguardar igl uorden e l'atmosfera d'instrucziun. Ils bus da scola cureschan sonda avonmiezdi sco usitau. Nus selegrein sin Vossa viseta. Las persunas d'instrucziun cun scolaras e scolars

## **Uniun sportiva Rabiis USR**

**Invitaziun alla 77avla radunonza generala dumengia, ils 18 da november 2018** allas 17.00 el hotel «Greina», Rabiis

Tractandas:

1. beinvegna ed appel
2. elecziun dumbravuschs
3. mutaziuns
4. prelecziun ed approbaziun dil protocol
5. rendaquen
6. rapport dils revisurs ed approbaziun dil quen
7. rapport annual dil president
8. elecziuns
9. rimnar pupi/cartun
10. program da lavur
11. fixar contribuziun annuala
12. propostas
13. varia

Suenter la radunonza offerescha l'uniun a tuts presents ina buna tscheina. A stedia participaziun ed in'emperneivla sera envida la suprastonza

## **Uniun da dunnas Sumvitg/Cumpadials**

### **Sentupada d'advent 60+**

«Plaun, plaunet vegn la neiv...» ed aschia envida l'uniun da dunnas Sumvitg/Cumpadials tei alla sentupada d'advent che ha liug **venderdis, ils 30 da november 2018**, allas 13.30 en sala dalla casa da scola a Cumpadials. Bugen prendein encunter tia annunzia entochen mesjamna, ils 28-11-2018, Lisa Duff, 078 735 17 56. Nus selegrein da passentar enzacontas uras da cumpignia cun tei.

## **Corp da pumpiers Sumvitg/Trun**

### **Incorporaziun 2019**

Umens e dunnas naven dall'annada 1998 che giavischan da prestar survetsch activ da pumpiers, san s'annunziar entochen ils 30-11-2018 tier il cumandant Martin Decurtins, Via Campliun 9, 7166 Trun (decurtinsmartin@hotmail.com). Ulteriuras persunas tenor indicaziun dallas administraziuns communalas vegnan contactadas directamein a scret. *Pumpiers Sumvitg/Trun*